



13. juli 2018

Inatsisartunut suleriaatsimi § 37 imm. 1 naapertorlugu, Naalackersuisunut apeqquteqaatit uku saqqummiuppakka.

Naalackersuisunut apeqquteqaat:

- 1. Peqqinnissamut Isumaginnittoqarfik pitsaanerpaamik ingerlassappat nakorsat peqqissaasullu immikkut qassit atorfilusariaqaraluarpat?**
- 2. Peqqinnissamut Isumaginnittoqarfimmi qasserpianik atorfilinnik nakorsaqaarlunilu peqqissaasoqarpa, atorfilinnik annertuumik amigaateqarneq Naalackersuisunit sumik peqquteqarsorineqarpa?**
- 3. Peqqinnissamut Isumaginnittoqarfimmi massakkut vikarinik (nakorsanik peqqissaasunillu) atorfeqartoqarpa, aningaasallu qassit tamaanga atorneqarpat? Atorfeqavissunut naleqqiullugu vikarit atornerisa qanoq akisunerutiginerat, Naalackersuisunut naatsorsoqquneqarpoq. Taassuma saniatigut Naalackersuisut piumaffigineqarput, nakorsanut peqqissaasunullu ukiuni qulini kingullerni vikareqarnermut ukiumit ukiumut aningaasartuutaasimasut sullissisullu kikkuunerinut takussutissaannik inaarinninnissaat, aningaasartuutit taakku killiffii ilisimaneqalerniassammata.**
- 4. Peqqinnissamut Isumaginnittoqarfimmi sulinerup nakorsassaaleqineq peqqissaasussaaleqinerlu suna kinguneraa? Tassunga atatillugu Naalackersuisut piumaffigineqarput nalunaajaqqullugu, siniffiit qassit matusimani kiisalu napparsimasut saniatigut qassit nunanut allanut katsorsartikkiartortariaqarsimani.**
- 5. Peqqinnissamut Isumaginnittoqarfik imaluunniit taassuma ilaa Naalackersuisunit piumaffigineqarsimava sipaarniarnissaanik, taamaattoqarpat tassunga suna peqqutaava?**
- 6. Tusagassiuutininut nalunaarummi 20/6-2018 Naalackersuisut allagaqarput, ingasattumik aasaq manna ajornakusoorsimasoq Dronning Ingridip Napparsimmavissuanut sulisussanik pissarsinissaq, ilaatigullu peqqissaasut atorfiit inuttaqanngitsut pissutaallutik siniffiit matunerat pisariaqarsimasoq. Dronning Ingridip Napparsimmavissuata tamakkiisumik ingerlaqqilernissaata qaqugu pinissaa Naalackersuisunit naatsorsuutigineqarpa, vikarinullu akissarsiassat allallu qanoq akeqassappat?**
- 7. Nakorsassaaleqineq peqqissaasussaaleqinerlu anigorniarlugit sunik Naalackersuisut suliniutissanik eqqarsaateqarpat, Peqqinnissamut Isumaginnittoqarfimmut maannamut missingersuutit atuuttut iluanni qaangerneqarnissaat isumaliuutaava, imaluunniit aningaasanik saniatigut immikkoortitsisoqassava? Taamaattoqassappat qanoq amerlatigisunik kiisalu maannamiit Naalackersuisut 2019-imut Aningaasartuutissanut inatsimmut Siunnersuutissatut maannangaaq ilanngutitinnissaat naatsorsuutigisaat?**
- 8. Peqqissaasutut Kalaallit Nunaanni sulisagaani, pigineqassaaq nunani avannarlerni (Qallunaat, Svenskit imaluunniit Norskit Nunaanniit) imaluunniit kalaallit nunaanniit pisinnaatitaanermut allagartaqarneq. Tamanna piumasaqaat Naalackersuisuniit mianersortumik isumaliuutigilluarneqassava, taamaalilluni nunanit allanit soorlu "Fast-track ordningen" atorlugu sulisussanik pilerisuttoqalernissaa periarfissinniarlugu? (fast-trak ordning=suliffeqarfiit akuersissummik pigisallit sukkanerusumik ajornanginnerusumillu nunanit allameersunik sulisussanik immikkut ittunik piginnaasalinnik kalaallit nunaannut aallersinnaanerat).**



9. Pisamut soqutiginarsinnaasumik allamik Naalakkersuisut paasisutissiisinnaappat?

(Inatsisartunut Ilaasortaq, Malene Vahl Rasmussen, Demokraatit)

Peqqut

Isertuussaangilaq, uagut Peqqinnissamut Isumaginnittoqarfippit ilungersortorujussuaq. Tusagassiutinut nalunaarummi Naalakkersuisut killiffiup ilungersunarnera namminneq naatumik ima oqaatigaat: ” Dronning Ingridip Napparsimmavissuani aasaanerani inuttalersuineq”, saqqummiunneqartoq ulloq 20. juni 2018.

Aarlerinarluinnarpoq Peqqinnissamut Isumaginnittoqarfimmi annertuumik ilungersunartoqarnera, taamaattumik pingaartuuvoq ilisimassallugu, Naalakkersuisut sunik pilersaaruteqarnerat eqqarsaateqarnerallu, innuttaasut sullinnerannut pisoq pitsaanerpaamik aqqissinnaanissaannut. Inuiattut aningaasarpasuit Peqqinnissamut Isumaginninnermut atorpagut, siunissamilu aningaasartuutaajumaartut minnerulernissaat ilimanaateqarani. Naamerluinnaq.

Taamaattumik pingaartorujussuuvoq, maannamiit eqqarsaatigissagigut, siumut ungasissumullu isigaluta, suut tamaasa sianigalugit, aqqiinissat, uunngaannaq isigaluni ilaartuiinnarani.

Ajoraluartumik suli pissamaatigaara tusassallugu Peqqinnissamut Isumaginninnermut Naalakkersuisut anguniagaat suunersut. Naalakkersuisullu akissutissaat qilanaaralugu.

Suliffiit ullut qulit qaangertinnagit apeqqutima akineqarnissaat kissaatigaara.